

BOSNA I HERCEGOVINA
Federacija Bosne i Hercegovine
ZENIČKO-ĐOBOJSKI KANTON
Općina Maglaj
OPĆINSKI NAČELNIK



BOSNIA AND HERZEGOVINA
Federation of Bosnia and Herzegovina
ZENICA-DOBOJ CANTON
Maglaj Municipality
MAYOR

**IZVJEŠTAJ O UTROŠKU SREDSTAVA I REALIZACIJI PLANA I
PROGRAMA ODRŽAVANJA JAVNOG ZELENILA NA GRADSKOM
PODRUČJU SA FINANSIJSKIM POKAZATELJIMA ZA 2025. GODINU**

I Uvod

U skladu sa članom 3. i članom 9. Zakona o komunalnim djelatnostima („Službene novine Zeničko-dobojskog kantona“ broj: 17/08) i članom 71. Odluke o komunalnom redu i sanitarnom minimumu („Službene novine Općine Maglaj“ broj: 03/18) u Budžetu/Proračunu Općine Maglaj za 2025. godinu na poziciji 613 951 planirana su namjenska i vlastita sredstva u iznosu od 170.000,00 KM sa PDV za održavanje javnog zelenila na gradskom području.

Na sjednici Općinskog vijeća Maglaj, održanoj dana, 04.04.2025.godine, usvojen je Plan i program održavanja javnog zelenila na gradskom području sa finansijskim pokazateljima za 2025 godinu, broj: 02-04-1-604/25.

Pod poslovima održavanja zelenih površina obuhvaćenih navedenim Planom i programom podrazumijeva se:

- mašinsko košenje travnjaka sa izgrabljivanjem travnjaka i uklanjanjem otpada,
- orezivanje žive ograde na 60 cm, sa uklanjanjem otpada,
- orezivanje grmlja u cilju podmlađivanja, sa uklanjanjem otpada,
- okopavanje i plijevljenje grmlja i žive ograde, sa uklanjanjem otpada,
- čišćenje obale rijeke Bosne,
- čišćenje zelenih površina-krčenje srpom šiblja, grabljanje i odstranjivanje otpada,
- čišćenje korita potoka Jandrošac, Čila i Ušinac,
- utovar i odvoz otpada proisteklog po radovima iz prethodnih stavki.

Pod poslovima održavanja drvoreda podrazumijeva se:

- proljetno ili jesensko orezivanje-formiranje krošnji stabala sa svim pripadajućim radovima, sa utovarom i odvozom otpada,
- eventualne intervencije na uklanjanju lomova grana i vjetroizvala, sa utovarom i odvozom otpada.

Realizacija mini projekata iz oblasti zaštite životne sredine podrazumijeva sljedeće:

- hortikulturno uređenje Parka ljiljana i Gradskog parka (proljetno i jesensko),
- zasađivanje postojećih žardinjera u gradu i u Starom gradu,
- hortikulturno uređenje kružnog toka (proljetno i jesensko),
- oplemenjavanje zelenih površina u drugim dijelovima grada,
- održavanje postojećih sadnica ruža,
- održavanje fontane u Parku ljiljana i Gradskom parku,
- popravke i održavanje uličnog mobilijara i opreme na postojećim dječijim igralištima,
- nabavku i ugradnju novog uličnog mobilijara,
- uređenje spomen obilježja (Abidovića spomenik, Spomenik poginulim danskim vojnicima, Spomen obilježje na Čakalovcu, Spomenik civilnim žrtvama rata kod solitera, spomenik na O.polju i dr.).

Na osnovu člana 9. istog zakona, Općina obavljanje pojedinih komunalnih djelatnosti koje se finansiraju iz njenog Budžeta/Proračuna obavezno povjerava javnim preduzećima komunalnih djelatnosti, koje je odlukama Općinskog vijeća formirala za obavljanje tih komunalnih djelatnosti.

II Realizacija projekta

Dana, 21.04.2025.godine Općina Maglaj je, na osnovu prethodno usvojenog Plana i programa održavanja javnog zelenila na gradskom području sa finansijskim pokazateljima za 2025.godinu i dobijene Saglasnosti od Ministarstva za prostorno uređenje, promet i komunikacije i zaštitu okoline Zeničko-dobojskog kantona na Program utroška sredstava Fonda za zaštitu okoline Zeničko-dobojskog kantona za 2025.godinu, sa "KJD" d.o.o. Maglaj potpisala Ugovor o održavanju javnog zelenila na gradskom području za 2025.godinu, broj: 05-45-1-717/2025.

Ministarstvo za prostorno uređenje, promet i komunikacije i zaštitu okoline Zeničko-dobojskog kantona dalo je Općini Maglaj Saglasnost broj: 12-19-2352-12-S/25 od 13.03.2025.godine na Program utroška sredstava Fonda za zaštitu okoline Zeničko-dobojskog kantona za 2025.godinu, čime su Općini opredijeljena sredstva za zaštitu okoline.

Takode je Općini Maglaj opredijeljen i određeni iznos po osnovu Uredbe o vrstama naknada i kriterijumima za obračun naknada za zagađivače zraka kao i namjenska sredstva za plastične kese tregerice, posebne kategorije otpada i naknadu za ambalažu i ambalažni otpad, električne i elektronske proizvode.

U protekloj godini radovi su vršeni stručno i kvalitetno, na osnovu potpisanog Ugovora i u skladu sa aktivnostima predviđenim u Planu i programu održavanja javnog zelenila na gradskom području sa finansijskim pokazateljima za 2025. godinu, i to u periodu od 21.04. do 15.11.2025.godine.

Svi radovi proistekli iz Ugovora su evidentirani u dnevnik rada, na osnovu kojih su ispostavljane mjesečne situacije i fakture i na osnovu kojih je plaćano Izvršiocu poslova "KJD" d.o.o. Maglaj, u zavisnosti od priliva sredstava iz Fonda za zaštitu okoline Zeničko-dobojskog kantona.

U toku 2025. godine na Budžet Općine Maglaj doznačena su sredstva iz Fonda za zaštitu okoline u ukupnom iznosu od 149.703,85 KM sa PDV i prenešena su namjenska sredstva iz ranijih godina u iznosu od 10.840,01 KM :

- prenos nepotrošenih sredstava iz prethodnih godina	10.840,01 KM
- za IV kvartal 2024.godine- izvršena uplata 28.01.2025.godine :	18.157,56 KM
- za I kvartal 2025.godine- izvršena uplata 06.05.2025.godine :	27.514,90 KM
- za II kvartal 2025.godine- izvršena uplata 10.09.2025.godine:	40.908,55 KM
- naknada zagađivača zraka - izvršena uplata 20.10.2025.godine :	34.380,05 KM
- za III kvartal 2025.godine - izvršena uplata 20.10.2025.godine:	<u>28.742,79 KM</u>
UKUPNO sa PDV: 160.543,86 KM	

Utrošena sredstva, kojim pravdamo doznačena sredstva iz Fonda za zaštitu okoline za 2025. godinu, uplaćena na račun KJD d.o.o. Maglaj iznose 160.543,86 KM:

- uplaćeno na dan, 30.07.2025. - održavanje gradskog zelenila –	41.448,83 KM
- uplaćeno na dan, 25.09.2025. - održavanje gradskog zelenila –	31.196,22 KM
- uplaćeno na dan, 21.10.2025. - održavanje gradskog zelenila –	24.774,40 KM
- uplaćeno na dan, 13.11.2025. - održavanje gradskog zelenila –	63.124,41 KM

UKUPNO sa PDV: 160.543,86 KM

Osim utrošenih namjenskih sredstava takođe su utrošena i vlastita sredstva iz Budžeta/Proračuna Općine Maglaj za 2025. godinu i to u iznosu od 9.455,48 KM tako da ukupan iznos utrošenih sredstava sa pozicije 613 951 za održavanje javnog zelenila na gradskom području iznosi 169.999,34 KM.



OPĆINSKI NAČELNIK

Maid Suljaković